

Pɔɔlo ɔwole ɔbono ɔ ɪmarase Bunge
Kolosiya Awura Mɔ

¹ Me Pɔɔlo ɔbono n gyɛ Kirisito Yesu ɔsɔɔ kyu naa de Wurubuaare gɛlaare so de Timoti, aye-nanbo Yesu ɔson mɔ dɔ ² ne n de gɛnen ɔwole baare a kya bunge fɛye abono Wurubuaare gi lɔrɔ fɛye yela sa mɔ-nyoro ne fɛ de Kirisito gɛsara dɔ Kolosiya ɔsowole so mɔ. Aye-sɛ Wurubuaare ɔ' sa fɛye so gɛwɔnsa dɛnsɛ de ɔ' sa fɛye gisen yuuli.

Afaala de Gɛdalaa

³ Owi kamaasɛ a kya dalaa a kya sa fɛye mɔ, a kya faala Wurubuaare, aye-Wura Yesu Kirisito mɔ-sɛ. ⁴ Ibono so a kya faala mɔ gɛnen mɔ ne n gyɛ yɛɛ a nu fɛye-gikagyan gibono fɛ ka gyan Kirisito Yesu so mɔ. Ne a nu fɛye-gɛsalaare gɛbono fɛ bo sa asa abono pɛwu Wurubuaare gi lɔrɔ mɔmɔ yela sa mɔ-nyoro mɔ. ⁵ A kya faala Wurubuaare fɛye so kee yɛɛ fɛye-nwɔnsa gi gyan ilaa dɛnsɛ ibono Wurubuaare gi baala yela sa fɛye Wurubuaare dɔ mɔ so. Fɛ nu gɛnen ilaa dɛnsɛ ibono so kyu lii Wurubuaare gɛsintin ɔkalan mɔ dɔ daa. Gɛnen ɔkalan ɔbono ne n gyɛ Yesu ɔkalan konkonsɛ mɔ. ⁶ Mɔ-ɔkalan konkonsɛ baare kya yɛlegɛ nu gyan gɛsinkpan gɛten kamaasɛ so ɔ kya wɔra ilaa dɛnsɛ asa gɛkyena dɔ. I wɔra fɛɛ gɛnɔɔbono fɛ nu ɔkalan mɔ kee mɔ. ɔ yɛlegɛ wɔra ilaa dɛnsɛ fɛye-gɛkyena dɔ kpɛ kyu lii gɛkaabono fɛ nu Wurubuaare gitolon mɔ so ne fɛ nu gimɔ-ilaa gɛsɛ yɛɛ i gyɛ gɛsintin mɔ. ⁷ Fɛ kase Yesu ɔkalan mɔ ilaa lii daa Epafirase asɛ. Epafirase gyɛ aye-nanbo laareɛ Yesu ɔson mɔ dɔ. ɔ yeɛ aye-giyaa dɔ ɔ kya wɔra Kirisito

gɛsun ɔ kya sa mɔ gɛnɔɔbono a laa taale ka gyan mɔ so mɔ. ⁸ ɔ baa lɛɛ fɛye-gɛsalaarɛ gɛbono Wurubuaarɛ Oduduu mɔ gi sa fɛye mɔ nyiile aye.

⁹ Imɔso kyu lii gɛkaabono a nu fɛye so gɛnen mɔ, owi kamaasɛ a kpɛ san a kya dalaa a kya kole Wurubuaarɛ a kya sa fɛye. A kya kole mɔ yɛɛ ɔ' yɛgɛ mɔ-Oduduu ɔ' kpɛ ɔ kya sa fɛye ɔlaako ginyi, ɔ' yɛgɛ fɛ' bii gɛsintin ilaa de fɛ' bii mɔ-gɛlaarɛ kpaa logɛ. ¹⁰ I ba gɛnen mɔ, de fɛ' nyɛ akyenabi abono a kaaborɛ Wura Yesu asonbo mɔ de fɛ' gyi Wura Yesu ginsi ɔkpa kamaasɛ so. Fɛ' kpɛ fɛ kya wɔra ilaa dɛnsɛ kpɛi-kpɛi kamaasɛ de fɛ' sɛɛ fɛ kya bii Wurubuaarɛ fɛ kya bɔla. ¹¹ Wurubuaarɛ ɔ' yɛgɛ fɛ' nyɛ ɔlon kamaasɛ kyu naa de mɔ-nyisigyɛ ɔlon mɔ so, de i' yɛgɛ fɛ' nyɛ taale kyu gisen keda ilaa kamaasɛ dɔ de ɔkon. ¹² Fɛ' kpɛ fɛ dɛ afaala fɛ kya sa Wurubuaarɛ ɔbono ɔ gyɛ aye-sɛ ne ɔ kalɛ fɛye wɔra mɔ-asonbo dɔ mɔ. Fɛ bo mɔmɔ dɔ gɛnen mɔ, fɛye kee fɛ laa nyɛ ilaa dɛnsɛ ibono ɔ baala yela sa ɔmɔ Wurubuaarɛ ɔbono ɔ gyɛ fatela mɔ asɛ mɔ. ¹³ Aye abono a kya ka gyan Yesu so mɔ, Wurubuaarɛ gi mɔlɛgɛ aye lii gibiri ɔlon dɔ ne ɔ yɛgɛ a san a tɛ daa mɔ-gisen dɔ obi Yesu owuragyibo mɔ akyenabi. ¹⁴ Mɔ Yesu ne n kyu mɔ-nkpa kyɛɛ ne a nyɛ aye-nyoro gɛnen faa. Mɔ-lɛwu so ne Wurubuaarɛ gi kyu aye-ilaa nyɛnyɛn kyɛɛ aye.

Kirisito Ne N Gyɛ ɔgyangbarabo

¹⁵ Kirisito ɔbono asa mɛ wu mɔ de ansi mɔ gyɛ Wurubuaarɛ oyuduu gbaa-gbaa. Imɔso Wurubuaarɛ ɔbono a mɛɲ kya wu de ansi mɔ oyuduu ne Kirisito gi lɛɛ nyiile asa. Ilaa kamaasɛ ibono Wurubuaarɛ gi lɛɛ pɛwu dɔ mɔ, Kirisito ne n gyɛ ɔgyangbarabo. ¹⁶ I kya nyiile yɛɛ Wurubuaarɛ gi lɛɛ ikamaasɛ ibono i bo soso de gɛsɛ gɛrɛ mɔ, mɔ-rɛ Kirisito ne n lɛɛ imɔ. Iɲ gyɛ ibono a kya wu

de ansi mɔ wolɛ. Dabɔɛ de ibono aŋ kya wu de ansi mɔ kee fɛɛ ilaa ibonoana pɛwu i kya nyɛ ɔlon anyamesɛ so mɔ. Imɔ-rɛ imɔ-abelɛnsɛ de imɔ-nbii, de imɔ-ibelebele de imɔ-iburuburu pɛwu, Wurubuaarɛ mɔ-rɛ Kirisito ne n lɛɛ imɔ. Kirisito kee ne ɔ lɛɛ imɔ sa. ¹⁷ Kirisito wolaa ɔ bo no pɛi ne ilaa kamaasɛ i bo no. Ne kyu lii mɔ so ne ilaa kamaasɛ i bo no faa.

¹⁸ Kirisito ne n gyangbara ɔ sa Wurubuaarɛ asonbo fɛɛ gɛnɔɔbono nyamesɛ gimu gi gyangbara sa nyamesɛ nyoro mɔ. Lii mɔ so ne mɔ-asonbo mɛ bo no. Mɔ kee ne n gyɛ ɔgyangbarabo sa asa abono mɛ laa wu' de mɛ' kii kyingi lii ibuni dɔ fɛɛ gɛnɔɔbono ɔ wɔra mɔ. I ba gɛnen mɔ, de mɔ ne ɔ' nyɛ wɔra ɔgyangbarabo ilaa kamaasɛ dɔ. ¹⁹ I lii fɛɛ i wɔra Wurubuaarɛ ɔbolɛ yɛɛ mɔ-oyuduu mɔ pɛwu gi' kyena Kirisito dɔ kpaa logɛ. ²⁰ Kyu naa de mɔ Kirisito kee so ne i wɔra Wurubuaarɛ ɔbolɛ yɛɛ ɔ' lɔrɔ mɔ-rɛ ilaa kamaasɛ nsana, ilaa ibono i bo soso de ibono i bo gɛsɛ mɔ pɛwu. Imɔso ne mɛ da Kirisito aŋanbi oyii so mɔɔ ne mɔ-nkalan gi kyɛɛgɛ fuɛ. Nmɔ ne Wurubuaarɛ gi kyu lɔrɔ ilaa kamaasɛ ne gisen yuuli gi nyɛ ba.

Gɛnɔɔbono Wurubuaarɛ Gi Mɔɛgɛ Kolosiya Awura Mɔ

²¹ Owi ɔko dɔ mɔ, fɛye kee fɛye-rɛ Wurubuaarɛ nsana iŋ bo kon. Fɛ wɔra daa mɔ-akyobo kyu lii fɛye-nwɔnsa nyɛnyɛn de fɛye-ilaa nyɛnyɛn giwɔra so. ²² Nperɛ faa ibono Kirisito gi kyu mɔ-nyoro gibi kyu sa ne mɛ mɔɔ mɔ mɔ, i yɛgɛ Wurubuaarɛ gi lɔrɔ fɛye-rɛ mɔ nsana. O wu' gɛnen daa de a' nyɛ wɔra gisen fufuli awura abono ɔ lɔrɔ yela sa mɔ-nyoro mɔ de ɔ' nyɛ kyu aye kperɛ mɔ-sɛ. ɔko maŋ wu aye-nyoro so ilaa nyɛnyɛn iko tɔgɛ baa pii. ²³ Pɛi ne ɔ laa nyɛ wɔra gɛnen sa fɛye mɔ, i gyɛ ibono fɛ laa yeɛ fɛye-ayaa so de fɛ' keda fɛye-gisɔɔgyi gibono fɛ bo sa Kirisito mɔ dɔ ken-ken. Gɛnɔɔbono fɛ nu ɔkalan

konkonse kyu lii Kirisito so ne fe kyu feye-ansi gyan mo so mo, sei-sei men sa i' biide feye lii nkan. Genen okalan konkonse obono fe nu faa, me naa gyan de gesinkpan pewu me kya toge mo ma-a sa okamaase. Ne okalan baare kee ne n baa wora me, Pocolo gesun worase.

GESUN GEBONO WURUBUAARE GI KYU WORA POCOLO ABAA DO MO

²⁴ N kya yiyee mo, i kya wora me okon daa kyu lii feye so. I kya nyiile yee kyu lii geyiyee gebono me-nyoro gi kya yiyee mo so mo, i kya kpaade Kirisito-lee geyiyee gebono o yiyee sa mo-asonbo mo ge' yela okara. Kirisito asonbo ade me de fee Kirisito nyoro gbaa-gbaa. ²⁵ Kirisito asonbo kee ne ne ba n kya son. Genen gesun gedde ne Wurubuaare gi kyu wora me-abaa do yee n' lee mo-agyebi mo gese sa feye kpaade loge. ²⁶ Nkana lii ko-o adedaabo aberere mo, Wurubuaare gi kyu mo-ilaa boduduuse iko kyu nara. Nde nke nde do mo, Wurubuaare gi lee imo-gewi sa asa abono o loro momo yela sa mo-nyoro mo. ²⁷ O kya laare fee o' yeege asa abono o loro momo yela sa mo-nyoro mo me' bii yee mo-ilaa boduduuse ide i gye sa gesinkpan so asa kpei-kpei pewu. O kya laare me' bii nyisigi belee obono onan o bo genen ilaa boduduuse ibono do mo. Ilaa boduduuse ibono n dare faa ne n gye yee Kirisito kya kyena feye-asen do. Imo ne nan yeege fe' bii yee fe laa nye Wurubuaare nyisigi mo.

²⁸ Genen Kirisito obono o te feye do mo nyoro so ilaa ne a kya yele sansana toge mo. A kya kyu olaako ginyi kamaase ka nyamese kamaase de a' nyiile nyamese kamaase ilaa. A kya wora aniya nyiile omo genen de owi obono a laa kyu momo okamaase kpe Kirisito ase mo me ti see Kirisito ilaa do. ²⁹ Ilaa ide so ne me, Pocolo, n kya kyu olon obono Wurubuaare gi kpe tansi o kya sa me

mɔ pɛwu, n kya wɔra mɔ-gɛsun nyaade gisisiri n kya wu awɔɔɔɔ faa.

2

¹ N kya laare fɛ' bii gɛnɔɔbono n kya nyanga ansi n kya wɔra gɛsun n kya sa fɛye-rɛ Lawodisiya awura de asa abono pɛwu mɛ mɛɲ ti wu me de ansi kerɛ mɔ. ² N kya wɔra gɛsun gɛnen daa de i' nyɛ keda fɛye-nyoro de fɛ' nyɛ gɛsalaare. Fɛ nyɛ gɛsalaare mɔ, i laa koola fɛye dabɔlɛ wɔra nyamesɛ kolon. N kya nyanga ansi de Wurubuaare gɛsintin ilaa i' loo fɛye asen dɔ de fɛ' nu Wurubuaare ilaa boduduuse mɔ gɛsɛ. Wurubuaare ilaa ibono i bo duduu mɔ ne n gyɛ Kirisito. ³ Mɔ-nkon asɛ ne anyamesɛ mɛ laa kpe de mɛ' nyɛ Wurubuaare ɔlaako ginyi de gɛnɔɔbono mɛ laa bii Wurubuaare mɔ.

Fɛ' Kpɛ Keda Fɛye-Gisɔɔgyi Mɔ Dɔ

⁴ N kya buu ilaa idɛ mi-i sa fɛye de fɛ' mɛɲ sa fɛ' yɛgɛ de ɔko-rɛ ɔko o' kyu gɛnɔ ɔkon penɛ fɛye kyu lii fɛye-gisɔɔgyi mɔ so. ⁵ Me-rɛ fɛye aɲ kya nyɛ wu abara de ansi. Oduduu dɔ mɔ mɔ, me-gɛwɔnsa gɛ gyan fɛye so. I kya wɔra me ɔkon gɛnɔɔbono fɛ kya wɔra ilaa imɔ-ɔkpa so ne fɛ yeɛ fɛye-ayaa so girin gisɔɔgyi gibono fɛ bo sa Kirisito mɔ dɔ.

⁶ Fɛɛ gɛnɔɔbono fɛ sɔɔ Kirisito Yesu abaa anyɔ yɛɛ mɔ ne n gyɛ fɛye-Wura faa, fɛye-rɛ mɔ fɛ' kyena de abara gɛnen. ⁷ Fɛ ti nyɛ kyu fɛye-nyoro kyu mada de mɔ faa mɔ, fɛ' yɛgɛ mɔ ɔ' lɔɔ fɛye de fɛ' kpɛ fa-a wɔra ɔlon fɛ kya too fɛye-gisɔɔgyi mɔ dɔ. Fɛ' kpɛ keda gɛnen fɛɛ gɛnɔɔbono mɛ wolaa nyiile fɛye mɔ de fɛ' kpɛ fɛ dɛ afaala abono aɲ bo ɔkara mɔ fa-a sa Wurubuaare.

⁸ Fɛ' kerɛ fɛye-nyoro so dandan de ɔko-rɛ ɔko ɔ mɛɲ sa o' kyu mɔ-lɛɛ nwɔnsa kyu penɛ fɛye giyan de fɛɲ' baa buu Kirisito. Mɔmɔ-nwɔnsa nbono ɔnan i lii anyamesɛ

asɛ, ne i mɛɲ gyɛ ɣɛnɛn mɔ, i lii daa ilaa ibono i kya nyɛ ɔlon anyamesɛ so mɔ asɛ. In ɣyɛ Kirisito asɛ ne i lii. Imɔso fɛɲ sa fɛ' sɔɔ imɔ gyi.

Fɛye-rɛ Kirisito Ginyamesɛ Kolon Mɔ Agyan

⁹ Kirisito berɛ, mɔ-rɛ Wurubuaarɛ mɛ ɣyɛ ɔkolon, ne o kii ɔ ɣyɛ nyamesɛ. ¹⁰ Fɛye-rɛ Kirisito fɛ ɣyɛ nyamesɛ kolon faa mɔ, Wurubuaarɛ ilaa i bɔla fɛye dɔ kee. Ilaa ibonoana pɛwu i kya nyɛ ɔlon anyamesɛ so mɔ, ɣɛnɛn Kirisito kolon baarɛ ne n kya gyi imɔ so. ¹¹ Lii ibono fɛye-rɛ Kirisito fɛ ɣyɛ nyamesɛ kolon kee so mɔ, i yɛɣɛ ɔ wɔra ilaa iko sa fɛye, i dɛ daa fɛɛ Gyuda awura itiibilaa iko. Gyuda awura mɛ kya ten awɔrɛ de i' lɛɛ nyiile yɛɛ mɛ ɣyɛ Wurubuaarɛ wolɛ asonbo. Ibono Kirisito gi wɔra sa fɛye mɔ berɛ, i mɛɲ gyɛ fɛɛ ɣɛnɔɔbono nyamesɛ ne n ten awɔrɛ kyu kyɛɛɣɛ nyamesɛ nyoro gibi mɔ. Fɛye-gidebi nyɛnyɛn gibono fɛ dɛ mɔ ɔwolɛ ne Kirisito gi kyadɛ fuɛ ɣɛnɛn. ¹² ɣɛnɛn kee ne owi ɔbono mɛ gyere fɛye Wurubuaarɛ sagyere mɔ, i wɔra fɛɛ fɛye-rɛ Kirisito fɛ wu' gikolon ne mɛ pulɛ fɛye-rɛ mɔ dabɔlɛ. Mɛ gyere fɛye ɣɛnɛn mɔ, i wɔra fɛɛ fɛye-rɛ Kirisito pɛwu fɛ kyingi lii ibuni dɔ ne. Wurubuaarɛ ne n ɣyɛ ɔbono o kyingi Kirisito lii ibuni dɔ. Fɛ sɔɔ Wurubuaarɛ ilaa wɔrasɛ idɛ gyi so mɔ, i wɔra fɛɛ fɛye kee fɛ kyingi lii ibuni dɔ.

¹³ Pɛi de fɛye-rɛ Kirisito fɛ lɔɔ wɔra nyamesɛ kolon mɔ, nkana fɛ dɛ fɛɛ asa abono mɛ wu' mɛ naa mɔ. Wurubuaarɛ gi kyingi fɛye lii ɣɛnɛn lɛwu ɔbono dɔ dabɔlɛ de Kirisito. Imɔ ɣɛsɛ ne n ɣyɛ yɛɛ nkana fɛye-ilaɛ nyɛnyɛn giwɔra de ibono fɛɲ kya son Wurubuaarɛ so mɔ, Wurubuaarɛ asɛ mɔ, fɛ wɔra fɛɛ asa abono fɛ wu' mɔ. Nperɛ berɛ, ɔ yɛɣɛ fɛ wɔra fɛɛ fɛ kyingi baa nyɛ Kirisito-lɛɛ ɣɛkyɛna ɔnan dabɔlɛ de Kirisito. I kya nyiile yɛɛ o kyu aye-ilaɛ nyɛnyɛn pɛwu kyɛɛ aye.

¹⁴ Aye-ilaa nyenyeni ibono a kya wɔra ne i kya yegɛ Wurubuaarɛ nbara gi kya bun aye gipueɛ mɔ, Wurubuaarɛ gi lɛɛ giyaa nyise imɔ pɛwu so. Ne i san wɔra fɛɛ aye-ilaa nyenyeni de Kirisito ne Wurubuaarɛ gi yegɛ mɛ da aɲanbi lɛwu oyii so mɔɔ gɛnen. ¹⁵ Kyu lii Kirisito lɛwu baarɛ so mɔ, ilaa nyenyeni oduduu kpɛi-kpɛi ibono i kya nyɛ ɔlon anyamesɛ so mɔ, Wurubuaarɛ gi sɔgɛ imɔ-ɔlon pɛwu lii imɔ-abaa dɔ, ne o gyi imɔ so ne ɔ wɔra imɔ ipeeli sansana.

Kirisito So Ne A Kya Nyɛ Sɛɛ Wurubuaarɛ Ilaa Dɔ

¹⁶ Imɔso ibono Wurubuaarɛ gi yegɛ fɛ nyɛ fɛye-nyoro gɛnen faa, fɛ mɛɲ sa fɛ' yegɛ ɔko-rɛ ɔko ɔ' baa yela ilaa kyosɛ nbara nko sa fɛye. Ako mɛ kya tɔgɛ yɛɛ fɛye-ilaa gyisɛ iko abɛɛ ilaa nunse mɔ iko i kya kyɔ. Ako, mɔ, mɛ kya tɔgɛ yɛɛ i tiri fɛɛ fɛ' gyi gɛkɛ belɛ, bosɛ gikasɛgyan, abɛɛ gɛkɛ kyoolasɛ mɔ so. Fɛɲ sa fɛ' nu ɔmɔ asɛ. ¹⁷ Gɛnen ilaa kyosɛ ibono i gyɛ daa fɛɛ ilaa kaalasɛ ibono i kya nyiile ilaa ibono i laa baa ba mɔ. Idɛ kon berɛ, ilaa mɔ gbaa-gbaa i ba. Imɔ ne n gyɛ Kirisito ilaa. ¹⁸ Imɔso ibono fɛ ti nyɛ bii Kirisito gbaa-gbaa ilaa faa, fɛ mɛɲ sa fɛ' kii sɔɔ ako nbara kpɛi-kpɛi gyi. Ako yɛɛ fɛ mɛɲ sa fɛ' kyu fɛye-nyoro yɛɛ fɛ gyɛ asa de fɛ' son Wurubuaarɛ dɔ isɔɔ. Mɛ nyi yɛɛ imɔ idɛ ne nan kpaa fɛye Wurubuaarɛ asɛ. Gɛnen asa abono ɔnan mɛ kya tɔgɛ yɛɛ Wurubuaarɛ gi lɛɛ ilaa gɛwi nyiile ɔmɔ fɛɛ ideri. Mɛ kya tɔgɛ gɛnen mɔ, mɛ kya penɛ nyoro daa. Anyamesɛ-lɛɛ nwɔnsa ne n kya yegɛ mɛ kya nyiile mɔmɔ-nyoro gɛnen. ¹⁹ Mɛ mɛɲ kya tɛsɛ kyu mɔmɔ-nyoro mada de Kirisito ɔbono ɔ gyɛ ɔgyangbarabo gɛkpaa-gɛkpaa mɔ. Kirisito asɛ ne mɔ-asonbo mɛ kya nyɛ Wurubuaarɛ ɔlon de gɛnɔ kolon lii, fɛɛ gɛnɔɔbono gimu gi kyaga de nyamesɛ nyoro pɛi ne mɔ-nyoro dɔ ikyin de nkyaga-nkyaga i kya nyɛ wɔra

gɛsun imɔ-ɔkpa so mɔ. Gɛnen ne Wurubuaarɛ kya yɛgɛ mɛ kya sɛɛ mɔ-ɔson mɔ dɔ ne.

²⁰ Fɛye abono fɛ kya son Kirisito mɔ, i wɔra fɛɛ fɛye-rɛ Kirisito ne n wu' dabɔlɛ. Ilaa nyɛnyɛn oduduu kpɛi-kpɛi ibono i kya nyɛ ɔlon anyamesɛ so gɛsinkpan gɛrɛ mɔ iɲ baa nyɛ ɔlon ɔko fɛye so. To! I mɛɲ baa i bo lon fɛye so mɔ, i wonɛ so ne fɛ san fɛ tɛ fɛɛ imɔ ne n bo fɛye gɛnen? Fɛ san fɛ kya kyo imɔ-ilaa kyosɛ, fɛɛ ²¹ “Gɛɲ sa fo' keda idɛ,” “Gɛɲ sa fo' gyi idɛ,” “Gɛɲ sa fo' yii idɛ.” ²² Gɛnen ilaa kyosɛ idɛana mɔ, i gyɛ daa anyamesɛ ne n yela imɔ. (Imɔ idɛana pɛwu mɔ, fo yii imɔ daa-o, fo keda imɔ daa-o, i laa taa baa nyida.) ²³ Asa abono mɛ kya kyo ilaa idɛana mɔ, i kya wɔra mɔmɔ fɛɛ ɔlaako ginyi ilaa ne mɛ kya wɔra. Mɔmɔ asɛ mɔ, mɛ nyi yɛɛ mɛ dɛ nyoro mɛ kya son Wurubuaarɛ imɔ-ɔkpa so ne, yɛgɛ mɛɲ ti taa wɔra sɛi. Mɛ kya wɔra mɔmɔ-nyoro fɛɛ mɛɲ gyɛ asa ako, ne mɛ kya ka mɔmɔ-nyoro ansi mɔmɔ-ɔson mɔ so. Gɛsintin mɔ ne n gyɛ yɛɛ mɔmɔ-nbara de mɔmɔ-ilaa kyosɛ mɔ iɲ bo agyan. I maɲ taalɛ kpaa nyamesɛ de ɔɲ baa wɔra mɔ-lɛɛ ɔbolɛ gɛlaarɛ.

3

Wurubuaarɛ Asɛ Gɛkyena ɔnan

¹ Wurubuaarɛ gi sa fɛye gɛkyena pobɔɔ ne i wɔra fɛɛ fɛye-rɛ Kirisito ne n kyingi lii ibuni dɔ dabɔlɛ. Imɔso i kaabore fɛ' laarɛ daa ilaa ibono i bo Wurubuaarɛ dɔ mɔ gɛten. Nno ne Kirisito tɛ Wurubuaarɛ asɛ, mɔ-rɛ Wurubuaarɛ mɛ kya gyi gɛwura. ² Fɛ' kyu fɛye-nwɔnsa gyan Wurubuaarɛ dɔ ilaa so taa gɛsinkpan so ilaa yɛgɛ. ³ I kya nyiile yɛɛ fɛ wɔra fɛɛ asa abono mɛ wu' mɔ. Imɔso fɛye-gɛkyena gbaa-gbaa gɛɲ baa gɛ bo gɛsɛ gɛrɛ. Gɛ san gɛ ɲara Kirisito asɛ Wurubuaarɛ dɔ. ⁴ Kirisito ne n tɛ aye dɔ so ne a nyɛ gɛkyena gɛbono gɛnen. Owi

ɔbono Wurubuaarɛ laa lɛɛ Kirisito gɛwi nyiile gɛsinkpan so asa de nyisigiyi mɔ, Wurubuaarɛ laa yɛgɛ aye-gɛkyena gɛbono gɛ laa lii gɛwi Kirisito asɛ de nyisigiyi kee.

Gɛkyena Pobɔɔ De Gɛkyena Dedaa

⁵ Imɔso ibono i wɔra fɛɛ fɛ kpe Wurubuaarɛ dɔ gɛnen so mɔ, fɛ' lɛɛ abaa kee lii gɛsinkpan so ilaa ibono i kya gyi fɛye-amu mɔ dɔ. Gɛnen ilaa ibonoana ne n gyɛ agyibara gilaarɛ, ilaa kankaran giwɔra, ilaayan n wɔnsa, de ibono fɛ laa laarɛ ilaa ibono iɲ gyɛ iwɔrasɛ, abɛɛ fɛ' wɔra onsipara ɔko ilaa so. Onsipara wura kya wɔra fɛɛ ɔ kya lii Wurubuaarɛ gɛmara son daa gɛsinkpan so ilaa dɛnsɛ.

⁶ Asa abono mɛ kya wɔra gisomaanu sa Wurubuaarɛ mɔ mɔmɔ ne n kya wɔra gɛnen ilaa nyɛnyɛn idɛana. Imɔso Wurubuaarɛ laa kyu ginyadon de mɔmɔ. ⁷ Nkana aberɛ ako dɔ mɔ fɛ tɛ akyenabi abono, ne ilaa idɛana ne fɛye kee fɛ kya wɔra.

⁸ Idɛ kon ibono fɛ kya ka gyan Kirisito so faa mɔ, fɛ' too ilaa nyɛnyɛn pɛwu giwɔra fuɛ. Fɛɲ sa fɛ' yɛgɛ ginyadon foro-foro agyɛbi de gɛkyo ilaa de asebi de ibono iɲ gyɛ itɔgɛsɛ mɔ i' lii fɛye-nnɔ dɔ. ⁹ Fɛ' mɛɲ sa fɛ' kɛɛ abon sa abara. I lii fɛɛ fɛye dedaa-lɛɛ gidebi nyɛnyɛn mɔ gimɔ-rɛ gimɔ-ilaa wɔrasɛ pɛwu mɔ, fɛ too imɔ fuɛ.

¹⁰ Idɛ kon fɛ kyɛɛgɛ baa nyɛ oyuduu pobɔɔ dɛnsɛ. Wurubuaarɛ ne n lɔɔ lɛɛ oyuduu pobɔɔ ɔbono sa fɛye. ɔ kpɛ ɔ kya lɔɔ fɛye-oyuduu baarɛ i kya yɛgɛ ɔ kya kii wɔra ɔpobɔɔ ɔ kya too de fɛ' nyɛ wɔra fɛɛ mɔ Wurubuaarɛ-lɛɛ oyuduu mɔ. Wurubuaarɛ kya wɔra gɛnen de fɛ' nyɛ bii mɔ dandan. ¹¹ Wurubuaarɛ gi lɔɔ lɛɛ fɛye-oyuduu pobɔɔ gɛnen mɔ, ilaa ibono nkana i kya baragɛ fɛye nsana mɔ, iɲ baa i bo ilaa dɔ. Fɛ gyɛ Gyuda awura daa-o, fɛ mɛɲ gyɛ Gyuda awura-o, fɛ ten awɔrɛ daa-o, fɛ mɛɲ ten daa-o, fɛ gyɛ asafo kpan-n daa-o, fɛ

gye abono mɔmɔ-ansi aŋ bugi-o, fe te owura ase daa-o, fe te sa feye-nyoro daa-o, ilaa ide pɛwu, iŋ baa i bo ilaa dɔ. Kirisito wole ne n bo ilaa dɔ, ne mɔ ne n bo feye ɔkamaase dɔ.

¹² Wurubuaare gi lee gibaa yii feye, ne ɔ lɔrɔ feye yela sa mɔ-nyoro. ɔ kya laare feye-ilaa. Imɔso ilaa densɛ giwɔra ne n kaabore feye. Fe' kyu imɔ too feye-nyoro so, fee gitolon de ilaa ibono fe laa wɔra de i' yuuli asa asen. Fe' bara feye-nyoro gesɛ sa abara de fe' nyɛ gisen sa abara. ¹³ Fe' tɔge kyule abara. Nengyene ɔko gi wɔra feye ilaa nyɛnyɛn mɔ, fe' kyu kyɛɛ mɔ. Genɔɔbono aye-Wura Yesu gi kyu kyɛɛ feye mɔ, genen ne i kaabore fee feye kee fe' kyu kyɛɛ abara ne. ¹⁴ Feye-gidɛnsɛ gide pɛwu gemara mɔ, fe' kyu gesalaare kyu too feye-nyoro so. Gesalaare ne n kya yege feye-ilaa kamaase i laa kyena de abara ɔkpa so kanpe. ¹⁵ Fe' yege Kirisito gisen yuuli gibono ɔ kya sa feye mɔ gi' kyena feye-asen dɔ de gimɔ ne gi' gyangbara sa feye. Fe gye daa nyamesɛ kolon, ne gisen yuuli so ne Wurubuaare gi tɔge feye ye fe' son mɔ. Fe' yege Wurubuaare ilaa wɔrasɛ i' gyi feye-ginsi de fe' faala mɔ lii feye-asen dɔ. ¹⁶ Fe' yege Kirisito agyɛbi mɔ a' kyena feye-asen dɔ dɔɔdan de fe' kyu Wurubuaare ɔlaako ginyi pɛwu kyu nyiile abara de fe' ka abara. Fe' kyu Wurubuaare agyɛbi dɔ ilon, Wurubuaare asonbo ilon, de Wurubuaare Oduduu mɔ ilon pɛwu de fe' kyu bii faala Wurubuaare lii feye-asen dɔ. ¹⁷ Ilaa kamaase ibono fe laa tɔge abɛɛ fe laa wɔra mɔ, fe' kyu daa Wura Yesu ginyen kyu wɔra imɔ. Fe' kpe fe de afaala kyu naa de mɔ Wura Yesu so fe kya sa Wurubuaare ɔbono ɔ gye aye-sɛ mɔ.

ɔbono ɔ sɔɔ Yesu Gyi Mɔ Gikyenabi

¹⁸ Akyii, fe' bara feye-nyoro gesɛ sa feye-kuliana fee genɔɔbono i kaabore abono mɛ sɔɔ Wura Yesu gyi mɔ

mɛ' wɔra mɔ. ¹⁹Fɛye anyen mɔ, mɔ, fɛ' laare fɛye-kaana ilaa. Fɛ mɛɲ sa fɛ' wɔra ɔmɔ gɛnɔ. ²⁰Fɛye nbii mɔ, mɔ, fɛ' nu fɛye-sɛana de fɛye-nyiana aɛ ilaa kamaasɛ dɔ. Imɔ ne n kya gyi Wura Yesu ginsi. ²¹Fɛye abono fɛ gyɛ aɛ mɔ, fɛ mɛɲ' kyena ɲmaayii fɛye-biana de i' yɔɔ mɔmɔ-nyoro. ²²Fɛye abono fɛ tɛ asa aɛ gɛsinkpan so mɔ, fɛ' nu fɛye-wuraana aɛ ilaa kamaasɛ dɔ. Fɛye-wuraana mɔ mɛ yelɛ mɛ kerɛ fɛye-o, mɛ mɛɲ yelɛ mɛ kerɛ fɛye-o, fɛ' gyi gɛsintin sa ɔmɔ lii fɛye-asen dɔ fɛɛ asa abono mɛ sɛɛ Wura Yesu mɔ de i mɛɲ sa i' wɔra fɛɛ abono mɛ kya laare ayenbi mɛ kya lii daa anyamesɛ aɛ mɔ. ²³Ilaa kamaasɛ ibono fɛ laa wɔra mɔ, fɛ' wɔra imɔ lii fɛye-asen dɔ fɛɛ Wura Yesu ne fɛ kya wɔra fɛ kya sa. Iɲ sa i' wɔra fɛɛ nyamesɛ. ²⁴Fɛ' bii yɛɛ fɛye-ntɛɛla gi laa lii daa mɔ aɛ. Mɔ ne n kya baala Wurubuaarɛ dɔ ilaa ɔ kya yela ɔ kya sa fɛye. Aye-Wura Yesu Kirisito ne fɛ kya son. ²⁵Gɛnen kee ne Wurubuaarɛ laa ka nyamesɛ kamaasɛ ilaa nyɛnyɛn ibono ɔ wɔra mɔ gikɔ. Wurubuaarɛ berɛ, mɛɲ bo gɛligi.

4

¹Fɛye abono asa mɛ tɛ fɛye aɛ mɔ, fɛ' kyu gɛsintin kerɛ mɔmɔ so fɛɛ gɛnɔɔbono i kaaborɛ mɔ. Fɛ' nyingi yɛɛ fɛye kee fɛ bo owura ɔko Wurubuaarɛ dɔ.

Gika Laalaalogɛ

²Fɛ' kpɛ keda gɛdalaa dɔ ken-ken de fɛye-ansi a' dɛ. Fɛ kya dalaa gɛnen mɔ, fɛ' kyu afaala sa Wurubuaarɛ. ³Fɛ' dalaa kolɛ Wurubuaarɛ sa aye abono a kya tɔgɛ mɔ-agyɛbi mɔ kee yɛɛ o' bugi ɔkpa sa aye de a' nyɛ lɛɛ Kirisito ilaa boduduusɛ mɔ tɔgɛ. Kirisito ilaa idɛ ne n' kya tɔgɛ ne mɛ keda me tii de obu faa. ⁴Fɛ' dalaa yɛɛ Wurubuaarɛ ɔ' sa me ɔkpa de n' taalɛ tɔgɛ Kirisito ilaa

genɔɔbono ɔkara i kaabore n' tɔge de i' loo asa aso dɔ mɔ.

⁵ Feye-rɛ asa abono mɛɲ bo aye Yesu asonbo mɔ dɔ mɔ fɛ tɛ dabɔlɛ mɔ, fɛ' kerɛ dɔɔdan de fɛ' kyu ɔkpa kamaasɛ ɔbono fɛ laa nyɛ mɔ kyu kpaa mɔmɔ de mɛ' bii Wurubuaarɛ. ⁶ Owi kamaasɛ dɔ mɔ fɛ' yɛgɛ fɛye-gɛtɔngɛ gɛ' gyi ginsi genɔɔbono i laa nyɛ kpaa Wurubuaarɛ gɛsun. ɔko gi taasɛ fɛye ilaa iko mɔ, de fɛ' bii lɛɛ gɛnɔ kanpɛ.

Afaala Tiikarasɛ

⁷ Nɛ keda Tikakusɛ sun fɛye asɛ. ɔ loo mɔ, ɔ laa tɔge me-ilaa sa fɛye. ɔ gyɛ aye-nanbo laarɛsɛ ɔbono aye-rɛ mɔ a kya son Wura Yesu dabɔlɛ. Genɔɔbono ɔ kya wɔra gɛsun mɔ, a kya ka gyan mɔ so. ⁸ Ilaa ibono so nɛ keda mɔ n kya sun fɛye asɛ mɔ ne n gyɛ yɛɛ n kya laarɛ fɛ' nyɛ bii genɔɔbono so a tɛ de gɛrɛ mɔ de i' nyɛ keda fɛye-nyoro. ⁹ Mɔ-rɛ Onɛsimosɛ, aye-nanbo laarɛsɛ ɔbono a kya ka gyan mɔ so mɔ ne n kya ba fɛye asɛ gɛnen. Onɛsimosɛ gyɛ daa fɛye-nten obi. Mɔmɔ asa anyɔ adɛ mɛ laa tɔge ilaa kamaasɛ ibono i wɔra gɛrɛ mɔ pɛwu sa fɛye.

¹⁰ Arisetaakusɛ ɔbono me-rɛ mɔ a tii de obu mɔ kya faala fɛye. Maako, Banabasɛ mɔ-pikyii mɔ-bi mɔ kee kya faala fɛye. Fɛ ti wolaa nyɛ ɔkalan kyu lii Maako baarɛ so yɛɛ nengyene fɛɛ ɔ ba fɛye asɛ nno mɔ, fɛ' keda mɔ dandan. ¹¹ Gyiisasɛ ɔbono mɛ kya terɛ mɔ yɛɛ Gyusetusɛ mɔ kee kya faala fɛye. Me-rɛ asa kpɛi-kpɛi a bo gɛrɛ a kya wɔra aye-gɛsun gɛdɛ de Wurubuaarɛ gɛwuragyi dɔ akyenabi mɔ a' nyɛ yɛlegɛ asa dɔ. Me-rɛ gɛnen asa asa' adɛ wolɛ ne n gyɛ Gyuda awura abono a saarɛ mɔmɔ dɔ. Mɛ yɛgɛ me-gisen gi tɔrɔ me.

¹² Epafirasɛ ɔbono ɔ gyɛ fɛye-ɔsowolɛ so isa ne ɔ kya son Kirisito Yesu mɔ kee kya faala fɛye. Owi kamaasɛ dɔ mɔ Epafirasɛ baarɛ tansi ɔ kya dalaa lii mɔ-gisen dɔ

sa fɛye yɛɛ fɛ' kpɛ keda gɛnen de fɛ' wɔra asa abono mɛ ten ansi Wurubuaarɛ ilaa dɔ. ɔ kya dalaa yɛɛ fɛ' wɔra asa abono mɛ laa bii Wurubuaarɛ gɛlaarɛ pɛwu mɔ.

¹³ Gɛnɔɔbono ɔ kya gyi gɛsun sa fɛye-rɛ Lawodisiya de Harapolisɛ awura mɔ, nɛ wu imɔ de me-ansi pɛi ne n' kya tɔgɛ fɛye faa. ¹⁴ Aye-kyɛmenɛ dɛnsɛ, Luka ɔbono ɔ gyɛ alɔbo ɔkyɛbo mɔ, de Deemasɛ mɛ kya faala fɛye. ¹⁵ Fɛ' faala aye-nanboana abono mɛ kya son Yesu Lawodisiya ɔsowolɛ mɔ so mɔ de fɛ' faala Nenfa mɔ-rɛ Yesu asonbo abono mɛ kya kyena gyan mɔ-gɛten dɔ mɔ kee sa aye.

¹⁶ Nengyene fɛ kalɛ ɔwolɛ baarɛ mɔ, fɛ' yɛgɛ Yesu asonbo gikpen gibono gi bo Lawodisiya mɔ kee mɛ' kalɛ mɔ, de fɛye kee fɛ' kalɛ mɔmɔ-lɛɛ ɔbono mɛ nyɛ mɔ.

¹⁷ Fɛ' buu sa Akipusɛ yɛɛ ɔ' kerɛ de ɔ' wɔra gɛsun gɛbono Wura Yesu gi kyu wɔra mɔ-abaa dɔ mɔ kpaa logɛ.

¹⁸ Nɛ sin gɛrɛ. Me, Pɔɔlo gbaa-gbaa ne n dɛ me-gibaa n kya nmarasɛ afaala tiikarasɛ adɛ n kya sa fɛye faa. Fɛn sa fɛ' tan me so yɛɛ nɛ tɔgɛ Wurubuaarɛ agyɛbi ne mɛ keda me tii de obu. Wurubuaarɛ ɔ' sa fɛye so gɛwɔnsa dɛnsɛ.

ḠḠḠḠ ḠḠḠḠḠ, ḠḠḠḠḠ ḠḠḠḠḠḠḠ ḠḠ ḠḠḠḠ ḠḠḠḠḠ
AnyamesḠ ḠḠ ḠḠḠḠ ḠḠ

The New Testament in the Gikyode language

copyright © 2020 Wycliffe Bible Translators, Inc.

Language: Gikyode

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 14 Jun 2022 from source files dated 30 Nov
2021

4cc402b4-139a-5f33-9af9-fbf62307f663